



Universitätsbibliothek Paderborn

Instructio practica ...

Institutiones Theologiæ Mysticæ, Seu Facilem & practicum modum
Exercitia Spiritualia S.P. Ignatii Loyolæ per octiduum faciendi - item
triduanam recollectionem fructosè instituendi complectens, Et
Sacerdotibus Præcipuè, aut de Sacerdotali Statu suscipiendo
deliberantibus accomodata, Una cum ...

Lohner, Tobias

Dilingæ, 1680

§. 8. Quid Doctores Theologiæ de Exercitiis senserint.

[urn:nbn:de:hbz:466:1-48834](https://nbn-resolving.org/urn:nbn:de:hbz:466:1-48834)

lit, dum, ut in historia Societatis p. 1. l. 13. n. 34. referuntur publicè pro Concione dixit, se plus Theologiæ triginta Exercitiorum diebus, quàm triginta annis inter studia Scholastica condidicisse; & licet triginta annis, quibus S. Thomam, Scotumque versabat, vix occurreret argumentum quod solvere non posset, rationibus tamen Villanovæ, cum in Exercitiis dirigebat, manibus, pedibusque fuisse instructum. Unde Segonciâ multos submittebat Doctores Præbendatos, ut vocant, Ecclesiæ illius ad Exercitia codicis P. Villanova (qui Logicam duntaxat, & Theologia moralem audiverat) Ductore obeunda.

II. Quid Episcopus Saluzanus, Vicarius Papæ de Exercitiis senserit, in sua de Libello Exercitiorum censuræ & approbatione clarè manifestavit, dum, ut in primis eodem Libelli paginis refertur, apertè testatus est, opus hoc omni laude dignum; & Christianæ pietati valde proficuum esse.

III. Præ cæteris tamen memorabile est testimonium præclarum, quod Basileensis Episcopus, Bruntrutani Collegij Fundator proferre dignatus est, dum, ut Annus Societatis 1601. f. 395. testantur, postquam novem diebus Exercitia Spiritualia fecisset, tantum inde fructum percepit, ut diceret: Si Patres Societatis in me nihil aliud contulerint, quàm hoc cœleste beneficium, id unum facilè æquarè omnia, quæ ego Collegii huius Author præstiti Societati.

§. VIII.

Quid Doctores Theologiæ de Exercitiis senserint.

I. Inter horum Doctorum præclara de Exercitiis testimonia meritò memorandum censetur, quod Joannes Cochleus, Canonicus Wratislaviensis, eruditione, scriptis libris solidâ Catholicæ Religionis adversus Lutheranos defensione, victorisque de Hæresiaracha Luthero reportatis orbitissimus, Romanique Regis in confesso Ratisbonensi Theologus protulit, dum, postquam P. Petrum Fabrum primum S. Ignatii Socium de scientia animæ in Spiritualibus Exercitiis à S. Ignatio tradita, & ab eo per Meditationes de Virgine Christi

Christi, aliâsque pias Exercitationes in artem, usumque red-
 acta differentem audivisset, hæc dixisse scribitur: *Multa per*
Europam Scholæ & Cathedra Theologica fervuerunt, & fer-
vent disputationibus. Optavi sapius, ut mystica huius &
arcana aliqua saltem pateret schola, ex qua non lumen sic-
cum & sterile susquereret, & sonaret pompam, sed ferax &
salubre vitalem ederet charitatis ardorem, qui DEO pasci-
tur, & constanter in DEVM agendo fertur. Nunc gaudeo,
quod tandem inveniantur Magistri circa affectus. Quod
sicut ingenti lætitiæ sensu, erectisque in cælum oculis dixit,
ita, quamprimum licuit, dedit se Exercitiis excolendum, quæ
expertus ita probavit, ut magnis viris, Theologis, Præfili-
bûsque eadem suaserit, & tradiderit.

II. Non minus præclarum est Testimonium, quod M.
 Manzius è S. Dominici Familia in Complutensi Academia
 Lector, vir gravissimus tulit, dum absque horrore dicere au-
 sus est, plius à se fieri Theologiam Patris Villanovæ, à quo
 tunc Compluti exercebatur, quam omnium ejusdem urbis
 Doctorum scientiam.

III. His non immeritò jungitur præclarum Augusti-
 ni Carniatij celebris illius ex Augustiniano Ordine Theolo-
 gi testimonium, qui, ut supra vidimus, cum per mensem se
 his Exercitiis exercuisset, testatus est candidè, se, quamliu in
 Religione vixisset, rationem aliquam, quâ rectissimè ince-
 deret, optasse semper, eamque nunc demum, cum in hæc S.
 Ignatii Exercitia incidisset, invenisse. Quæ quidem ille avi-
 dissimè hausta, atque in intimum demissa pectus tanti fecit,
 ut in ijs divinum aliquid inesse diceret, eaque deinceps in
 alios eò libentiùs derivârit, quò ipse aut diutiùs ea quæsivit,
 aut seriùs invenit, uti in Imag. Soc. 1. 3. refertur.

§. IX.

Quid S. Ignatius, & alij Religiosi Societatis
 JESU de Exercitijs senserint.

I. Quanti S. Ignatius Exercitiorum horum Author ea-
 dem æstimârit, varijs sanè, iisque non obscuris argumentis
 declaravit. Nam 1. ipsemet ea diligenter & constanter usur-
 pavit, utpote quorum adminiculo, ad eam, quam miramur,
 sancti-